

JAMHUURIYADDA		SOMALILAND
FAAFINTA RASMIGA AH		
SOMALILAND REPUBLIC OFFICIAL GAZETTE	النشرة الرسمية لجمهورية صوماليلاند	
XAFIISKA GARYAQAANKA GUUD EE QARANKA JSL, HARGEYSA <i>E-mail: Garyaqaankaguud@gmail.com</i>		
Sanadka: 2aad	Cadadka: 2aad ee February	Taariikh: 02/03/2013
QIIMAHA CADADKA: SL. Sh.		
RUKUNKA (Subscription):		
<i>QIIMAHA FAAFINTA AAN DAWLIGA AHAYN ee Qaybta Shanaad: Sadarkii Boggii kastaaba SL. Sh.</i>		

TUSMADA CADADKA

<u>QAYBTA KOWAAD:</u> XEERARKA BAARLAMAANKA IYO XEER NIDAAMIYAYAASHA:		
1) Xeerka Aasaaska Komishanka Maamul Wanaaga, Xeer Lr.58/2012	250	
2) Xeerka Takaaliifta Amniga Madaarada Xeer Lr. 61/2013	266	
<u>QAYBTA LABAAD:</u> XEER NIDAAMIYAYAASHA IYO DIKREETOYINKA		
MADAXWEYNAHA:		
3) M AGACAABID, <u>XEER MADAXWEYNE Lr: 0284/022013</u>	272 273	
4) M AGACAABID, <u>XEER MADAXWEYNE Lr: 0285/022013</u>	274	
5) M AGACAABID, <u>XEER MADAXWEYNE Lr: 0286/022013</u>	275	

6) BIXIN DERAJO, <u>XEER MADAXWEYNE Lr: 0287/022013</u>	276
7) BEDDEL, <u>XEER MADAXWEYNE Lr: 0288/022013</u>	278
8) BEDDEL, <u>XEER MADAXWEYNE Lr: 0289/022013</u>	279
9) BEDDEL, <u>XEER MADAXWEYNE Lr: 0290/022013</u>	280
10) BEDDEL, <u>XEER MADAXWEYNE Lr: 0291/022013</u>	281
11) BEDDEL, <u>XEER MADAXWEYNE Lr: 0292/022013</u>	282
12) BEDDEL, <u>XEER MADAXWEYNE Lr: 0293/022013</u>	284
13) BEDDEL, <u>XEER MADAXWEYNE Lr: 0294/022013</u>	285
14) M AGACAABID, <u>XEER MADAXWEYNE Lr: 0295/022013</u>	286
15) M AGACAABID, <u>XEER MADAXWEYNE Lr: 0296/022013</u>	287
16) M AGACAABID, <u>XEER MADAXWEYNE Lr: 0297/022013</u>	288
17) M AGACAABID, <u>XEER MADAXWEYNE Lr: 0298/022013</u>	289
18) M AGACAABID, <u>XEER MADAXWEYNE Lr: 0299/022013</u>	290
19) M AGACAABID, <u>XEER MADAXWEYNE Lr: 0300/022013</u>	291
20) M AGACAABID, <u>XEER MADAXWEYNE Lr: 0302/022013</u>	292
21) XIL-Ka QAADIS; <i>February 04, 2013</i>	293
22) XIL-Ka QAADIS;	

February 04, 2013

QAYBTA SADEXAAD: DIGREETOYINKA, WAREEGTOYINKA,
AMARADA & XEER NIDAAMIYAYAASHA
WASIIRADA, IWM
Sooma Bixin

QAYBTA AFRAAD: AMARADA & GO'AANADA MAAMUL

- | | |
|--|-----|
| 23) BAAFIN RACFAANLE;
Maxkammadda Racfaanka
Gobolka M/Jeex,
MRH/DMRL/140/2012 | 294 |
| 24) BAAFIN DACWEYSANE;
Maxkammadda Degmada
Hargeysa, MDH/DML/187/13 | 295 |
| 25) AMAR XAYIRAAD GURI; Maxkamadda
Racfaanka Gobolka M/Jeex,
MRH/RML/142/2012. | 296 |
| 26) BAAFIN XUKUN; Maxkamadda
Gobolka M/Jeex, MGH/DFL/246/12 | 298 |

QAYBTA SHANAAD: DGEYSIISYADA
Sooma bixin

QAYBTA KOWAAD:
XEERARKA BAARLAMAANKA IYO XEER NIDAAMIYAYAASHA:



THE PRESIDENT

JSL/M/XERM/249-1581/022013

DATE03/02/13

XEER MADAXWEYNE Lr:0301/022013

**Dhaqan-galka Xeerka Komishanka Maamul-Wanaaga
Xeer Lr. 58/2012**

Madaxweynaha Jamhuuriyadda Somaliland

- Markuu Arkay: Qodobka 90aad ee Dastuurka Jamhuuriyadda Somaliland;
- Markuu Arkay: Qodobka 75aad ee Dastuurka Jamhuuriyadda Somaliland;
- Markuu Arkay: Go'aanka Golaha Wakiilada JSL, Go'aan Lr. GW/G/KF-20/585/2013 ee ku taariikheysan 15/01/2013 ee ay ku ansixiyeen Xeerka Hay'adda Komishanka Maamul Wanaaga Xeer Lr. 58/2012;

Wuxuu Soo Saaray

Dhaqan-galka Xeerka Komishanka Maamul-Wanaaga Qaranka Xeer Lr. 58/2012 ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland



Ref: Gw/Cg/KF-20/585/2013

Date: 15/01/2013

**Ujeedo: - Go'aanka Ansixinta Xeerka Komishanka Maamul-Wanaaga
Xeer Lr.58/2012**

GOLAHA WAKIILADA JSL

- Markuu Arkey:** Qodobka 39^{aad}, 77^{aad} iyo Qodobka 113^{aad} ee Dastuurka Jamhuuriyada Soomaaliland.
- Markuu Darsay:** Xeerka Komishanka Maamul-Wanaaga ee ay soo gudbiyeen Golaha Wasirada Jamhuuriyada Soomaaliland.
- Isagoo Ogsoon:** Ahmiyada ay leedahay in la abuurro hab-dhaqan maamul wanaagsan iyo ummad ka nadiif ah dhamaan noocyada musuqa, lana soo cesho karaamada iyo siyaadada (Integrity and Sovereignty of the State) si loo helo qaranimo taam ah iyo umad xalaal miirad ah.
- Markuu Tixgaliyey:** Taladii Golaha Guurtida iyo dhamaan daneeyayaasha kale ee uu khuseeyo xeerkan.
- Markuu Ku Qancey:** In baahi loo qabo abuurida Komishan madax banaan oo ka hortaga lana dagaalama musuq-maasuqa iyo karti darada hay'adaha dawlada, isla markaana kula xisaabtama toosinta maamulka oo horseed u noqda taaba-gelinta, iyo dib-u-habeeynta nidaamka maamul wanaag. Isla markaana sahasha in si hufan looga midho dhaliyo horu-marka iyo hiigsiga Qaranimadda Jamhuuriyada Soomaaliland ee ku cad Qorshaha Horumarinta Qaranka "National Development Plan".
- Markuu Aqoonsaday:** Danta iyo maslaxadda qaranka Jamhuuriyada Soomaaliland si loo gaadho in ay lagama maarmaan tahay in la helo komishan dejiya heerka habsimo ee laga rabo hay'ad kasta oo dawladda ka mid ah, kuna daba-gala fulitaankiisa.

MARKUU U CODEEYEY:

Xeerka Komishanka Maamul-Wanaaga Xeer Lr. 58/2012 Kal-fadhigii 20^{aad} fadhigiisii 10^{aad} taariikhduna ku suntanayd 07/01/2013 oo ay goob joog ahaayeen (44) Mudane oo ka mid ah Mudanayaasha Golaha Wakiilada.

WUXUU


Cod aqlabiyadd ah oo afartan iyo kaw mudane (41 cod) oo gacan taag ah ku Ansixiyay Xeerka Komishanka Maamul-Wanaaga Xeer Lr. 58/2012, halka laba (2) mudane ka aamuseen, cid diidayna aanay jirin Gudoomiyuhuna muu codayn sida caaddada ah.

ALLAA MAHAD LEH

C/xisaaq Siciid Ayaanle
Xoghayaha Guud ee Golaha Wakiilada



Baashe Maxamed Faarax
Ki/simaha Gudoomiyaha Golaha
Wakiilada ahna G/xiseenka Taad



GOLAHA WAKIILADA JSL

- Markuu Arkey:** Qodobadda 53aad, 77aad iyo qodobka 113^{aad} ee Dastuurka Jamhuuriyada Soomaaliland.
- Markuu Arkey:** Xeerka Komishanka Maamul-Wanaaga ee ay soo gudbiyeen Golaha Wasiirada JSL
- Markuu Dersey:** Ahmiyada ay leedahay in la abuurdo hab-dhaqan maamul wanaagsan iyo ummad ka nadiif ah dhamaan noocyada musuqa, lana soo cesho karaamada iyo siyaadada (integrity and Sovereignty of the state) qaranimo iyo umad xalaal miirad ah.
- Markuu Tixgaliyey:** Talooyinkii Golaha Guurtida iyo dhamaan Talooyinkii kale ee daneeyayaasha uu khuseeyo xeerka.
- Markuu Ku Qancay:** In baahi loo qabo abuurida Komishan madax banaana oo ka hortaga lana dagaalama musuq-maasuqa iyo karti darada hay'adaha dawlada, isla markaana kula xisaabtama toosinta maamulka kaas oo horseeda u noqda toosinta, taaba-gelinta, iyo dib-u-habaynta maamul wanaaga, hufnaanta, banyaalnimada si looga midho dhasho horu-marka iyo hiigsiga Qaranka Jamhuuriyada Soomaaliland ee ku cad Qorshaha Horumarinta Qaranka "National Development Plan".

Markuu Aqoonsadey:

Danta iyo maslaxada qaranka Jamhuuriyada Soomaaliland si loo gaadho in ay lagama maarmaan tahey in la helo komishan dejiya heerka habsimo ee laga rabo hay'ad kasta oo dawlada ka mid ah, kuna daba-gala fulitaankiisa.

Waxa Uu Soo Saarey:

**Xeerka Aasaaska Komishanka Maamul-Wanaaga Xeer
Lr: 58/2012**

TUSMADDA XEERKA

QAYBTA KOWAAD: TILMAAMAHA GUUD.....	5
Qoddobka 1aad: Erey Bixinta Xeerka.....	5
Qoddobka 2aad: Magac-dhawga Xeerka.....	5
Qoddobka 3aad: Fasiraadda Xeerka	5
Fairaadda Xeerka.....	5
Qoddobka 4aad Komishanka Maamul Wanaaga	5
QAYBTA 2AAD: AWOODAHA IYO SHURUUDAHA KOMISHANKA.....	6
Qoddobka 5aad: Shuruucda Xubnaha Xafiiska Komishanka.....	6
Qoddobka 6aad: Shaqada Iyo Waajibaadka.....	6
Qoddobka 7aad: Magaacabista iyo Xilka qaadista Xubnaha Komishanka	7

Qoddobka 8aad: Muddada Xilka Komishanka.....	8
Qoddobka 9aad: Xarunta Komishanka.....	8
Qoddobka10aad: Dhaarta Xubnaha Komishanka.....	9
Qoddobka 11aad: Banaanshaaha Xubinimada Komishanka	9
Qoddobka 12aad: Warbixinta Sandeedka Komishanka	9
Qodobka 13aad: <u>Xilka iyo Waajibaadka Guddomiyaha</u>	9
Qoddobka 14aad: Xilka iyo Waajibaadka Guddomiye Ku Xigeenka.....	10
Qoddobka 15aad: Xilka iyo Waajibaadka Agaasimaha Guud.....	10
Qodobka 16aad : Mushaharooyinka iyo Gunnoyinka.....	10
Qoddobka 17aad: Baadhista, Xaqiijinta iyo Warbixinta la xidhiidha Tibaaxaha Maamul-Xumada iyo wax-is-weydaarinta	10
Qoddobka 18aad: Xeerka loo Adeegsanyo Dembiyada MusuqMaasuqa.....	11
Qoddobka 19aad Oogidda Dembiyada Musuqmaasuqa	11
Qodobka 20aad: Dhaqan-galka Xeerka.....	11

QAYBTA KOWAAD
TILMAAMAHA GUUD
Qoddobka 1^{aad}
Erey Bixinta Xeerka

Agaasimaha: Waxa loola jeeda Agaasimaha Guud ee Komiishanka Maamul-wanaaga Jamhuuriyadda Somaliland oo ah hay'adda uu xeerkani abuurayo;

Guddoomiyaha: waxa loola Jeedaa Guddoomiyaha Komiishanka Maamul Wanaaga;

Hanti-Dhawre: waxa loola jeedaa Hantidhawrka Guud ee Qaranka;

Komiishanka: waxa loola jeedaa xubnaha komiishanka Maamul-wanaaga masuulna ka ah dhamaan awoodaha uu xeerkani tilmaamayo;

Xeerka: Waxa loola Jeeda Xeerka Aasaaska Komishanka Maamul – wanaaga.

Qoddobka 2^{aad}
Magac-dhawga Xeerka

Xeerkan waxaa loogu yeedhayaa “**Xeerka asaaska Komiishanka Maamul Wanaaga Xeer Lr: 58/2012**”

Qoddobka 3^{aad}
Fasiraadda Xeerka

Wixii aanu Xeerkani si cad u qeexin, waxaa loo fasirayaa si waafaqsan shareecada diinta islaamka, Dastuurka dalka iyo xeerarka kale ee la xidhiidha xeerkan iyo hadii loo baahdo Xeerarka Caalamiga ah.

Qoddobka 4^{aad}
Komiishanka Maamul Wanaaga

Xeerkan waxa lagu aasaasay Komiishanka Maamul Wanaagga, oo leh shakhsiyad qanuniya (legal personality)

QAYBTA 2AAD
AWOODAHA IYO SHURUUDAHA KOMISHANKA

Qoddobka 5^{aad}
Shuruudaha Xubnaha Xafiiska Komiishanka

Qofka xubinta ka noqonaya Komiishanku:-

1. Waa inuu yahay muwaadin reer Soomaaliland ah.
2. Waa inuu Muslim yahay, asluub wanaagsan bulshada ku dhex leeyahay.
3. Waa in Da'diisu aanay ka yaraan soddon (30) sanadood.
4. Waa inuu waxbarasho heer jaamacadeed haystaa, ama wax u dhigma.
5. Waa inuu lahaadaa waayo aragnimo Todoba (7) sanadood ah, oo la xidhiidha arimaha hogaamineed iyo mid maamulba.
6. Waa in aanu ku dhicin xukun Maxkamadeed oo kama denbays ah oo lagu muteysan karo ciqaab gaadhaysa 3 sanadood 5-tii sano ee u danbeeyey.
7. Waa inuu ku sifoobay xilkas, Akhlaaq wanaag iyo Dhaqan toosan, yahayna shakhsi leh sifo Dhexdhexaadnimo, Karti, Hufnaan iyo Daacadnimo.

Qoddobka 6^{aad}
Shaqada iyo Waajibaadka

Shaqada iyo Waajibaadka Komishanka Maamul Wanaaga waa:

1. U madax bannaanaan yahay xil-gudashadiisa, waxaana

- reeban talaabo kasta oo lagaga leexinayo xil-gudashadiisa.
2. Dersidda iyo qiimeynta nidaamka maamul ee Hay'adaha Dawladda iyo ka soo talo bixinta habka lagu toosinayo.
 3. Ku wacyi-gelinta nidaamka toosan Hay'adaha Dawladda.
 4. Kormeeridda hab-sami-u-socodka maamulka.
 5. Baadhista iyo dabagalka galdaloolooyinka maamul.
 6. Hubinta hirgelinta qorshe hawleedyadda Hay'adaha Dawladda.
 7. Soo jeedinta barnaamijyada lagu horumarinayo maamul wanaagga
 8. Baadhista ku takrifalka awoodda maamul.
 9. Hubinta iyo dabagalka ku dhaqanka saacadaha shaqada, isagoo la kaashanaya Hay'adaha ay khusayso.
 10. U gudbinta Hay'adaha sharciga wixii faldambiyeedda ee ka soo baxa baadhista.

Qoddobka 7^{aad}

Magacaabista iyo Xilka qaadista Xubnaha Komishanka

1. Komishanku waxa uu ka kooban yahay Shan (5) xubnood oo lagu soo xulay shuruudaha ku cad Qoddobka afraad (4^{aad}) ee Xeerkan.
2. Xubnaha Komiishanka waxa magacaabaya Madaxweynaha Jamhuuriyadda Somaliland waxana cod hal dheeriyaha ku ansixinaya Golaha Wakiilada
3. Xubnaha Komishanka waxaa xilka ka qaadi kara Madaxweynaha JSL.
4. Guddoomiyaha iyo ku-xigeenka guddoomiyaha xubnaha ayaa iska dhex dooranaya, waxaanay ku ansaxayaan cod hal dheer tirade xubnaha komishanka.
5. Komishanku waxa uu yeelanayaa Agaasime guud oo Madaxweynuhu magacaabo, xilkana ka qaadi karo, marku la tashado komishanka.
6. Komishanku waxa uu u shaqaalayn karaa shaqaale si waafaqsan nidaamka shaqaalaynta hay'adda shaqaalaha dawlada, marka uu guddomiyuhu u arko lagama maarmaan gudashada xilka komishanka. Waxa xilka lagaga qaadi karaa

taloobo anshax marineed si waafaqsan xeerka shaqaalaha dawlada.

7. Komishanku wuxuu yeelan karaa guddi la'talineed markii loo baahdo oo tiradeeda iyo mudada ay shaqaynayaanba komishanku go'aaminayo.

Qoddobka 8^{aad}

Muddada Xilka Komishanka

1. Muddada Xilka Komishanka waa (4) Afar sano, oo ka billaabnaysa Maalinta Xilkaas loo dhaariyo.
2. Xubin ama xubno ka mida ah Komishankii hore, Madaxweynuhu Mar-labaad wuu magacaabi karaa isagoo ku Qiimeynaya Wax-qabadkiisa shaqo.

Qoddobka 9^{aad}

Xarunta Komiishanka

Komiishanka waxay xaruntiisu noqonaysaa Hargeisa, caasimada J.S.L, sidoo kale Komishanku waxa uu go'aansan karaa in uu gobolada kale ka furto xafiisyo, iyada oo ku xidhaan doonta awoodooda dhaqaale iyo baaxadda hawleed.

Qoddobka 10^{aad}

Dhaarta Xubnaha Komiishanka

1. Madaxweynaha ayaa isugu yeedhaya xubnaha Komishanka, muddo 30 cisho gudahood ah marka Golaha Wakiiladu ansixiyo, fadhigooda ugu horeeyana waxaa si xubin-xubin ah ugu dhaarinaya xubnaha Komishanka Gudoomiyaha Maxkamada Sare.
2. Dhaarta xubnaha Komishanku waxa ay noqonaysaa; ***“Waxaan ILAAHAY ugu dhaartay inaan mas’uuliyadda Komishanka***

u gudan doonno si caddaalad ah oo aanan ugu kala eexan doonin muwaadiniinta Somaliland iyo cid kasta oo shaqo u haysa Qaranka, xafidi doonana sirta Qaranka”.

3. Xubnaha Komishanku magacaabista ka dib si buuxda ayay u bilaabayaana hawsha xafiiska.

Qoddobka 11^{aad}

Bannaanaanshaha Xubinimada Komiishanka

Xubinimada Komishanku waxay ku bannaanaan kartaa:

1. Xil ka qaadista ku xusan qoddobka 7^{aad} ee xeerkan.
2. Is-casilaad qoraal ah oo xubintu u gudbiso Madaxweynaha, ogaysiina siiso xubnaha kale ee Komishanka.
3. Geeri ku timaada.
4. Haddii xubinta ay ku cadaato dambi xadhigiisu gaadhayo muddo sadex (3) sano ah ama ka badan.
5. Haddii xubintu u gudan kari waydo xilkeeda sababo caafimaad darro awgeed oo ay cadeeyeen guddi dhakhaatiir ah oo ka diiwaangashan wasaarada caafimaadka.
6. Haddii xubintu ka maqnaato afar kulan oo xidhiidha ama 45 cisho gudahood oo is xiga shaqada Komishanka fasax la'aan awgeed.

Qoddobka 12^{aad}

Warbixin Sanadeedka Komishanka

1. Iyada oo ay tixgalinayaan ujeedoyinka Komiishanka ee ku qeexan Qoddobka (5^{aad}) ee xeerkan, Komishanku waa inuu Madaxweynaha u soo gudbiyo warbixin dhammaystiran oo khusaysa waxqabadkoodii sannadkaas ugu danbeyna dhammaadka bisha February sannad walba.

Qoddobka 13^{aad}

Xilka iyo Waajibaadka Guuddoomiyaha

I

Guuddomiyaha oo ah madaxa komishanka wuxuu masuul ka yahay:-

1. Xilgudashada waajibaadka komishanka iyo habsami u adeegsiga awoodaha ku xusan xeerkan.
2. Maamullka guud ee komishanka iyo go'aan ka qaadashada anshaxmarinta shaqaalaha Komiishanka.
3. Waxa uu soo saari karaa wareegtooyin maamuleed si waafaqsan qoddobada maamulka guud, tababaradda, waajibaadka iyo masuuliyadaha xubnaha Komishanka iyo arrimihii kale ee uu u arko lagama maarmaan amma ku haboon maamul wanaagga hawlaha Komishanka iyo hubinta habsami u socodka hawlahooda.
4. Ku hadalka afka Komishanka, haddii aanu cid kale u igman.
5. Kormeerista, qiimaynta, toosinta shaqada Komiishanka iyo Go'aan qaadashada nidaamka shaqada Komiishanka.
6. Masuuliyada Guud ee ilaalinta iyo fullinta xeerkan.

Qoddobka 14^{aad}

Xilka iyo Waajibaadka Guddomiye ku xigeenka

1. Ku simida maamulka Komiishanka marka uu maqanyahay Guddomiye.
2. Waxa uu ka caawinaya gudoomiyaha habaynta hawlaha kala duwan ee shaqo.
3. Gudashada waajibaadka kale ee uu gudoomiyaha u igamaddo.

Qoddobka 15^{aad}

Xilka iyo Waajibaadka Agaasimaha Guud

Agaasimaha guud;

1. Waxa uu u xil saaranyahay hawl maalmeedka Komiishanka.
2. Waxa uu hoos yimaadaa Gudoomiyaha.
3. Waa madaxa shaqaalaha Komiishanka.
4. Waxa uu fullinayaa go'aamada komiishanka.
5. Waxa u si toos ah warbixinta u siinayaa Gudoomiyaha komishanka.

Qoddobka 16^{aad}

Mushahrooyin iyo Gunnooyinka

Xubnaha Komiishanku waxa ay xaq u leeyihiin in ay helaan mushaharooyin iyo gunnooyinka lagama maarmaanka u ah gudashadashada hawshooda.

Qodobka 17^{aad}

Baadhista, Xaqiijinta iyo Warbixinaha la xidhiidha tibaaxaha maamul-xumada iyo wax-is-weydaarinta

1. Komishanku markuu helo war tibaaxaya jiritaanka maamul-xumo ee ka jira hay'add dawladeed ama in mas'uul dawladeed ku kacay wax-is-weydaarin ama ku-takrifal hanti ummadeed ama awood dawladeed, wuxuu ku tallaabsanayaa hubinta sida ay dhab ahaan wax uga jiraan warkaas;
2. Haddii uu Komishanku ku qanco in maamul-xumada, wax-is-weydaarinta ama ku-takri-falka hantida ummadeed ama awoodda dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaa Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.
3. Haddii ay Komishanka la noqoto in maamul-xumada, wax-is-weydaarinta ama ku-takri-falka hantida ummadeed ama awoodda dawladeed ee uu warkeeda helay aanay gaadhsiisneyn heer cid maxkamad lagu hor-geyn karo, wuxuu saxayaa dhallilaha maamul ee jira iyo khaladaadka dhacay.
4. Hanti-dhawrka Guud ee Qaranku wuxuu Komishanka nuqul ka siinayaa natiijada baadhista arrin kasta oo uu ku soo war-geliyo Komishanku.
5. Haddii uu Komishanku ku qanci waayo natiijada baadhista ee Hanti-dhawrka Guud ee Qaranka, wuxuu warbixin uu ku faahfaahinayo sababta uu ugu qanci waayey natiijada baadhista Hanti-dhawrka Guud ee Qaranka u gudbinayaa Madaxweynaha.

Qodobka 18^{aad}

Xeerka loo Adeegsanayo Dembiyada Musuqmaasuqa

Wax-ka-qabashada fal-dembiyeedyada la xidhiidha musuqmaasuqa waxa ugu mudan in loo adeegsado Xeerka La-dagaallanka Musuqmaasuqa, wixii meel looga waayana waxa loo raacayaa Xeerka Ciqaabta Guud ee Somaliland.

Qodobka 19^{aad}

Oogidda Dembiyada Musuqmaasuqa

Fal-dembiyeedyada musuqmaasuq ee u sugma Hantidhawrka Guud waxa maxkamadaha awoodda u leh ka hor-oogaya Xeer Ilaalinta Guud.

Qodobka 20^{aad}

Dhaqan-galka Xeerka

Xeerkani wuxuu dhaqan-gelayaa marka ay golayaasha sharci dajintu ansixiyaan madaxweynuhuna saxeeexo.

C/risaaq Siciid Ayaanle
Xoghayaha Guud ee Golaha Wakiilada JSL.

C/raxmaan Maxamed Cabdilahi (Ciro)
Guddoomiyaha Golaha Wakiilada JSL.



THE PRESIDENT

JSL/M/XERM/249-1598/022013

19/02/13

XEER MADAXWEYNE Lr:0281/012013

**Dhaqan-galka Xeerka Takaaliifta Amniga Madaarada
Xeer Lr. 61/2013**

Madaxweynaha Jamhuuriyadda Somaliland

- Markuu Arkay: Qodobka 90aad ee Dastuurka
Jamhuuriyadda Somaliland;
- Markuu Arkay: Qodobka 75aad ee Dastuurka
Jamhuuriyadda Somaliland;
- Markuu Helay: Go'aanka Golaha Wakiilada JSL,
Go'aan Lr. GW/G/KF-20/588/2013 ee
ku taariikheysan 16/02/2013 ee ay ku
ansixiyeen xeerka Takaaliifta Amniga
Madaarada Xeer Lr. 61/2013;

Wuxuu Soo Saaray

Dhaqan-galka Xeerka Takaaliifta Amniga Madaarada Xeer
Lr. 61/2013 ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland



Ref: QWS/G/KE-20/588/2013

Date: 16/02/2013

Ujeedo: - Go'aanka Ansixinta Xeerka Takaaliifta Amniga Madaarada
Xeer Lr.61/2013

Markuu Arkay

Qodobadda 54aad iyo **14aad** oo si cad u qeexaya awooda jidaynta takaaliifta ee Golaha Wakiilada iyo in curinta takaaliifta ay lagama maarmaan tahay in uu xeer jideeyo

Markuu Tixgeliyay:-

Baahidda weyn ee loo qabo in kor loo qaado heerka amaanka iyo sumcadda Madaarada Somaliland, taas oo dhabadda u xaadhi karta in ay dhaqaalaba Dalka kobciso, isla markaana dhiirigelisa arimaha dalxiiska, maalgashiga shisheeye, iyo ka ganacsiga hawada Somaliland.

Markuu garwaabsaday:-

In ay lagama maarmaan tahay in lays waafajiyo xeerarka caalamiga ah ee duulista hawada (1944 Chicago Convention) iyo xeerarka dalka ee duulista hawada si loo helo xeer hufan oo si mug leh u eegaya duruufta tixgalina siinaya xeerarka caalamiga ah, si dhabadda loogu xaadho dhismaha **Hay'adda Duulista Hawada Somaliland (Somaliland Civil Aviation Authority)**.

Markuu Garawsaday: -

In aanay suurtagal ahayn duruufta hadda in kharashyada kala du-duwan ee ku baxaya adeegga qalabka lagu baadho shandadaha iyo Dadkaba laga dabooli karo Miisaaniyadda Qaranka ee 2013.

Markuu Dersay:-

Warbixintii Guddida Dhaqaalaha ee Golaha Wakiilada iyo dhamaanba Takaaliifta iyo cashuuraha laga qaado Madaarada Somaliland

Markuu u Codeyay :

Xeerka Takaaliifta Amniga Madaarada Xeer Lr. 61/2013 Kal-fadhiigii 20^{aad} fadhigiisii 24^{aad} taariikhduna ku suntanayd 2/02/2013 oo ay goob joog ahaayeen (50) Mudane oo ka mid ah Mudanayaasha Golaha Wakiilada.


WUXUU

Cod aqlabiyadd ah oo afartan iyo lix mudane (46 cod) oo gacan taag ah ku Ansixiyay Xeerka Takaaliifta Amniga Madaarada (Xeer Lr. 61/2013), halka laba (2) mudane ka diideen, hal mudanena ka aamusay Gudoomiyuhuna muu codayn sida caaddada ah.

ALLAA MAHAD LEH



C/risaaq Siicid Ayaanle
Xoghayaha Guud ee Golaha Wakiilada



Md Bashe Maxamed Farax
Gudoomiye-ku-xigeenka 1aad ee G/Wakiilada

GOLAHA WAKIILADA JSL

Markuu Arkay

Qodobadda 54aad iyo 14aad oo si cad u qeexaya awooda jidaynta takaaliifta ee Golaha Wakiilada iyo in curinta takaaliifta ay lagama maarmaan tahay in uu xeer jideeyo

Markuu Tixgeliyay:-

Baahidda weyn ee loo qabo in kor loo qaado heerka amaanka iyo sumcadda Madaarada Somaliland, taas oo dhabadda u xaadhi karta in ay dhaqaalaha Dalka kobciso, isla markaana dhiirigelisa arimaha dalxiiska, maalgashiga shisheeye, iyo ka ganacsiga hawada Somaliland.

Markuu garwaaqsaday:-

In ay lagama maarmaan tahay in lays waafajiyo xeerarka caalamiga ah ee duulista hawada (1944 Chicago Convention) iyo xeerarka dalka ee duulista hawada si loo helo xeer hufan oo si mug leh u eegaya duruuftena tixgalina siinaya xeerarka caalamiga ah, si dhabada loogu xaadho dhismaha **Hay'adda Duulista Hawada Somaliland (Somaliland Civil Aviation Authority)**.

Markuu Garawsaday: -

In aanay suurtagal ahayn duruufta hadda in kharashyada kala duwan ee ku baxaya adeegga qalabka lagu baadho shandadaha iyo Dadkaba laga dabooli karo

Miisaaniyadda Qaranka ee 2013.

Markuu Dersay:-

Warbixintii Guddida Dhaqaalaha
ee Golaha Wakiilada iyo
dhamaanba Takaaliifta iyo
cashuuraha laga qaado
Madaarada Somaliland

Wuxuu

**Ansixiyay Xeerka Takaaliifta Amniga Madaaradda JSL
(Xeer Lr 61/2013)**

Qodobka 1^{aad}
Eray Bixinta

Hadaan si kale loo sheegin waxaa loo jeedaa macnaha erayada Xeerka dhexdiisa sidan:

Xeer: - Xeer waxaa loola jeedaa Xeerka Takaaliifta Amniga Madaarada.

Takaaliif: - Waxa loola jeedaa waajibaadka maaliyadeed ee xeerkani jideeyey.

Wasiir: - **Waxa** loola jeedaa Wasiirka Wasaaradda Duulista Hawada

Socoto: - Waxa uu xeerkani u aqoonsan yahay ruux kasta oo ka dhoofaaya Madaarada Dalka Jsl.

Qodobka 2^{aad}
Magaca Xeerka

Xeerkan waxaa loogu yeedhayaa **Xeerka Takaaliifta Amniga Madaarada JSL.**

Qodobka 3^{aad}
Xadka Dabaqaada Xeerka

Xeerkan waxaa lagu dabaqayaa socotada ka dhoofaysa Madaarada Dalka.

Qodka 4^{aad}
Takaaliif

Waxaa ku waajib ah dhoofe kasta oo sita tigidh diyaaradeed, isla markaana leh kursi iyo miisaan u gaar ah in uu bixiyo takaaliif lacageed oo dhan (\$10) toban dollar.

Qodobka 5aad

Gacan Ku Haynta Adeegyada iyo Ururinta Takaaliifta

1. Gacan ku haynta Ururinta Takaaliifta iyo adeega amniga Madaarada ee la xidhiidha qalabka lagu baadho shandadaha, Shaqaalaha iyo socotada waxaa ka mas'uul ah Xukuumadda, waxaanay u igman kartaa cidii ay u garato ee ku habboon.
2. Waxa la dhisayaa **Hay'adda Duulista Hawada** (Somaliland Civil Aviation Authority, SCAA) oo u xilsaaran maamulka iyo maaraynta duulimaadyada hawada Somaliland, taasi oo la wareegi doonta adeegyada Madaarada iyo ururinta Takaaliifta Xeerku jideeyey.

Qodobka 6aad

Ururinta iyo Qaab-xisaabeedka Takaaliifta.

1. Ururinta iyo qaab-xisaabeedka takaaliifta, waxaa loo raacayaa xeerarka maaliyada ee Dalka.
2. Habka bixinta kharashaadka waxaa jaangoynaya Wasaaradda Maaliyadda, Wasaarada Duulista iyo Hawada iyo shirkada gacanta ku haysa.

Qodobka 7aad

Awoodaha Hanti Dhawraha Guud ee Qaranka

Iyada oo aan waxba loo dhimayn awoodaha Hanti-dhawraha Guud ee ku xusan Xeerka hanti-dhawrka Guud iyo kuwa kale ee xeerarka Dalku jideeyeen, Hanti-dhawraha Guud wuxuu awood u leeyahay baadhista iyo dabagalka takaaliiftan.

Qodobka 8aad

Xeer-nidaamiyaha Xeerkan

Wasiirka ayaa awood u leh inuu soo saaro Xeer-nidaamiye aan ka hor imanayn Xeerkan.

Qodobka 9^{aad}
Dhaqan-galka Xeerka.

Xeerkani wuxuu dhaqangelayaa marka Golaha Wakiiladu ansixiyo, Madaxweynuhuna saxeexo, isla markaana lagu baahiyo faafinta rasmiga ah.

C/risaaq Siciid Ayaanle
Xoghayaha Guud ee Golaha Wakiilada JSL

Baashe Maxamed Faarax
Gud Ku-xigeenka 1^{aad} ee
Golaha Wakiilada JSL

QAYBTA LABAAD:

XEER NIDAAMIYAYAASHA IYO DIKREETOYINKA MADAXWEYNAHA:

REPUBLIC OF



SOMALILAND

THE PRESIDENT

JSL/M/XERM/249-1553/022013

DATE... 01/02/13

XEER MADAXWEYNE Lr:0284/022013

Magacaabid

Madaxweynaha Jamhuuriyadda Somaliland

Markuu Arkay: Qodobka 90aad, Dastuurka
Jamhuuriyadda Somaliland;

Markuu Arkay: In baahi loo qabo in la dardar-geliyo
hawlaha Ciidanka Qaranka;

Markuu Tixgeliyey: La-tashiga Madaxda ay arrintani
khusayso;

Markuu Arkay: In uu hanan karo xilkan loo
magacaabay;

Wuxuu go'aansaday

In Mudane, Axmed Cawaale Yuusuf (Libaax), laga bilaabo taariikhda
Xeerkan uu ahaado Abbaanduulaha Labaad ee Ciidanka Qaranka
Jamhuuriyadda Somaliland.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland


REPUBLIC OF SOMALILAND
THE PRESIDENT

JSL/M/XERM/249-1554/022013

DATE 01/02/13

XEER MADAXWEYNE Lr:0285/022013

Magacaabid
Madaxweynaha Jamhuuriyadda Somaliland

- Markuu Arkay: Qodobka 90aad, Faqradiisa 3aad, ee xarafka (d) ee Dastuurka Jamhuuriyadda Somaliland;
- Markuu Arkay: Ahmiyadda ay Ciidanka Booliisku u leeyihiin Dhismaha Qaranka;
- Markuu Arkay: In baahi loo qabo buuxinta jagadda Taliye Ku-xigeenka Labaad ee Ciidanka Booliiska JSL;
- Markuu Tixgeliyey: La-tashiga Madaxda ay arrintani khusayso;
- Markuu Ku Qancay: In uu hanan karo xilkan loo magacaabay;

Wuxuu go'aansaday

In Mudane, Daahir Cali Wacays, laga bilaabo taariikhda Xeerkan uu ahaado Taliye Ku-xigeenka Labaad ee Ciidanka Booliiska JSL.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

REPUBLIC OF



SOMALILAND

THE PRESIDENT

JSL/M/XERM/249-1555/022013

DATE.... 01/02/13

XEER MADAXWEYNE Lr:0286/022013

Magacaabid

Madaxweynaha Jamhuuriyadda Somaliland

- Markuu Arkay: Qodobka 90aad, Faqradiisa 3aad, ee xarafka (d) ee Dastuurka Jamhuuriyadda Somaliland;
- Markuu Arkay: Ahmiyadda ay Ciidanka Asluubtu u leeyihiin Dhismaha Qaranka;
- Markuu Arkay: In baahi loo qabo buuxinta jagadda Taliye Ku-xigeenka Labaad ee Ciidanka Asluubta JSL;
- Markuu Tixgeliyey: La-tashiga Madaxda ay arrintani khusayso;
- Markuu Ku Qancay: In uu hanan karo xilkan loo magacaabay;

Wuxuu go'aansaday

In Mudane, Cali Cumar Axmed, laga bilaabo taariikhda Xeerkan uu ahaado Taliye Ku-xigeenka Labaad ee Ciidanka Asluubta JSL, ahna La Taliyaha Wasiirka Wasaaradda Cadaaladda iyo Arrimaha Garsoorka.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland



THE PRESIDENT

JSL/M/XERM/249-1561/022013

DATE 01/02/13

XEER MADAXWEYNE Lr:0287/022013

Bixin Derajo
Madaxweynaha Jamhuuriyadda Somaliland

Markuu Arkey: Qodobka 90aad, Faqradiisa 4aad ee Dastuurka Jamhuuriyada Somaliland;

Markuu Arkey: In ay lagama maarmaan tahay in madaxad Ciidamadu yeeshaan Derajo Ciidan oo ay ku Hogaamiyaan Ciidamada;

Markuu Tix-raacay: Magacaabidii Guddida Hirgelinta Mashruuca Derajo-Bixinta iyo Tallo-Bixinta;

Markuu Tixgeliyey: Soo jeedinta Wasiirka Wasaaradda Gaashaandhigga JSL ee ay Sumadeedu tahay WGDH/XW/13 ee ku taariikhaysan 01/02/2013 ee Derajo Bixinta Madaxda Ciidamada;

Markuu Garwaaqsaday: Dedaalka dheeraadka ah ee ay bixiyeen hogaaminta Ciidamada iyo sugida amniga Qaranka;

Markuu Ku-qancay:

In bixinta derajada Ciidamadu ay kor u
qaadi doonto Milgaha iyo Sharafta
Ciidamadeena iyo Haybadda
Dawladnimo;

Wuxuu Xeeriyey

In Madaxda Ciidamada Qaranka ee hoos ku xusan la siiyo Derajooyinka
Ciidan ee soo socda:

Ciidanka Qaranka JSL

- | | |
|--|----------------|
| 1. Taliyaha Ciidanka Qaranka JSL, ismaaciil Shaqale Cismaan: | Sarreeye Gaas |
| 2. Abbaanduulaaha 1aad ee Ciidanka Qaranka JSL, Cabdilaahi X.Jaamac: | Sarreeye Guuto |
| 3. Abbaanduulaha 2aad ee Ciidanka Qaranka JSL, Axmed Cawaale Yuusuf: | Sarreeye Guuto |
| 4. Madaxa Hogaanka Hawlgelinta Taliska Guud, Maxamed Aaden Saqadhi: | Gashaanle Sare |

Ciidanka Booliska JSL

- | | |
|--|------------------|
| 1. Taliyaa Ciidanka Booliska JSL, Cabdillahi Fadal liman: | Sarreeye Guuto |
| 2. Taliye ku-Xigeenka 1aad ee Ciidanka Booliska JSL, Cabdiraxmaan Liibaan Axmed: | Sarreeye Guuto |
| 3. Taliye ku-Xigeenka 2aad ee Ciidanka Asluubta JSL, Cali Cumar Axmed: | Gaashaanle Sarre |

Ciidanka Asluubta JSL

- | | |
|--|------------------|
| 1. Taliyaha Ciidanka Asluubta JSL, Maxamed Xuseen Faarax: | Sarreeye Guuto |
| 2. Taliye ku-Xigeenka 1aad ee Ciidanka Asluubta JSL, Xasan Cali Cawad: | Gaashaanle Sare |
| 3. Taliye ku-Xigeenka 2aad ee Ciidanka Asluubta JSL, Cali Cumar Axmed: | Gaashaanle Sarre |

Ciidanka Illaalada Xeebaa JSL:

- | | |
|---|------------------|
| 1. Taliyaha Ciidanka Illaalada Xeebaha JSL, Axmed Aw Cismaan Cabdi: | Sarreeye Guuto |
| 2. Taliye ku-Xigeenka Illaalada Xeebaha JSL, Cabdi Xirsi Ducaale: | Gaashaanle Sarre |

Allaa Mahad Leh,

Dr. Axmed Maxamed Silanyo

Madaxweynaha Jamhuuriyadda Somaliland



THE PRESIDENT

JSL/M/XERM/249-1562/022013

DATE....04/02/13

XEER MADAXWEYNE Lr:0288/022013

Beddel

Madaxweynaha Jamhuuriyadda Somaliland

- Markuu Arkay: Qodobka 90aad, ee Dastuurka Jamhuuriyadda Somaliland;
- Markuu Arkay: Qodobka 110aad ee Dastuurka Jamhuuriyadda Somaliland;
- Markuu Tixgeliyay: Ahmiyadda ay Gudoomiyeyaasha Gobolladu u leeyihiin dhismaha Qaranka;
- Markuu Aqoonsaday: In baahi loo qabo in isku-beddel lagu sameeyo Gudoomiyeyaasha Gobollada Dalka;
- Markuu La Tashaday: Madaxda ay hawshani khusayso;
- Markuu Ku Arkay: In uu hanan karo xilkan loo magacaabay;

Wuxuu go'aansaday

In Mudane, Axmed Cumar X. Cabdilaahi (Xamarji), laga bilaabo taariikhda manta uu ahaado Gudoomiyaha Gobolka Togdheer ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

REPUBLIC OF



SOMALILAND

THE PRESIDENT

JSL/M/XERM/249-1563/022013

DATE.... 04/02/13

XEER MADAXWEYNE Lr:0289/022013

Beddel

Madaxweynaha Jamhuuriyadda Somaliland

Markuu Arkay: Qodobka 90aad, ee Dastuurka Jamhuuriyadda Somaliland;

Markuu Arkay: Qodobka 110aad ee Dastuurka Jamhuuriyadda Somaliland;

Markuu Tixgeliyay: Ahmiyadda ay Gudoomiyeyaasha Gobolladu u leeyihiin dhismaha Qaranka;

Markuu Garwaaqsaday: In baahi loo qabo in isku-beddel lagu sameeyo Gudoomiyeyaasha Gobollada Dalka si loo horumariyo hanaanka Dawladnimo;

Markuu La Tashaday: Madaxda ay hawshani khusayso;

Markuu Ku Arkay: In uu hanan karo xilkan loo magacaabay;

Wuxuu go'aansaday

In Mudane, Maxamed Maxamuud Cali, laga bilaabo taariikhda maanta uu ahaado Gudoomiyaha Gobolka Maroodi-jeex ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

REPUBLIC OF  **SOMALILAND**
THE PRESIDENT

JSL/M/XERM/249-1564/022013

DATE.... 04/02/13

XEER MADAXWEYNE Lr:0290/022013

Beddel

Madaxweynaha Jamhuuriyadda Somaliland

Markuu Arkay: Qodobka 90aad, ee Dastuurka
Jamhuuriyadda Somaliland;

Markuu Arkay: Qodobka 110aad ee Dastuurka
Jamhuuriyadda Somaliland;

Markuu Tixgeliyay: Ahmiyadda ay Gudoomiyeyaasha
Gobolladu u leeyihiin dhismaha
Qaranka;

Markuu Garwaaqsaday: In baahi loo qabo in isku-beddel lagu
sameeyo Gudoomiyeyaasha
Gobollada Dalka si loo horumariyo
hanaanka Dawladnimo;

Markuu La Tashaday:

Madaxda ay hawshani khusayso;

Markuu Ku Arkay:

In uu hanan karo xilkan loo magacaabay;

Wuxuu go'aansaday

In Mudane, Jamaal Xuseen Hurre, laga bilaabo taariikhda maanta uu ahaado Gudoomiyaha Gobolka Oodweyne ee Jamhuuriyadda Somaliland.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

REPUBLIC OF



SOMALILAND

THE PRESIDENT

JSL/M/XERM/249-1565/022013

DATE....04/02/13

XEER MADAXWEYNE Lr:0291/022013

Beddel

Madaxweynaha Jamhuuriyadda Somaliland

Markuu Arkay:

Qodobka 90aad, ee Dastuurka Jamhuuriyadda Somaliland;

Markuu Arkay:

Qodobka 110aad ee Dastuurka Jamhuuriyadda Somaliland;

Markuu Tixgeliyay: Ahmiyadda ay Gudoomiyeyaasha Gobolladu u leeyihiin dhismaha Qaranka;

Markuu Garwaaqsaday: In baahi loo qabo in isku-beddel lagu sameeyo Gudoomiyeyaasha Gobollada Dalka si loo horumariyo hanaanka Dawladnimo;

Markuu La Tashaday: Madaxda ay hawshani khusayso;

Markuu Ku Arkay: In uu hanan karo xilkan loo magacaabay;

Wuxuu go'aansaday

In Mudane, Yuusuf Ibraahim Geedi, laga bilaabo taariikhda maanta uu ahaado Gudoomiyaha Gobolka Gabiley ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

REPUBLIC OF  **SOMALILAND**

THE PRESIDENT

JSL/M/XERM/249-1566/022013

DATE....04/02/13

XEER MADAXWEYNE Lr:0292/022013

Beddel

Madaxweynaha Jamhuuriyadda Somaliland

- Markuu Arkay: Qodobka 90aad, ee Dastuurka Jamhuuriyadda Somaliland;
- Markuu Arkay: Qodobka 110aad ee Dastuurka Jamhuuriyadda Somaliland;
- Markuu Tixgeliyay: Ahmiyadda ay Gudoomiyeyaasha Gobolladu u leeyihiin dhismaha Qaranka;
- Markuu Garwaqsaday: In baahi loo qabo in isku-beddel lagu sameeyo Gudoomiyeyaasha Gobollada Dalka si loo horumariyo hanaanka Dawladnimo;
- Markuu La Tashaday: Madaxda ay hawshani khusayso;
Markuu Ku Arkay: In uu hanan karo xilkan loo magacaabay;

Wuxuu go'aansaday

In Mudane, Axmed Cali Nuur, laga bilaabo taariikhda maanta uu ahaado Gudoomiyaha Gobolka Saraar ee Jamhuuriyadda Somaliland.

Allaa Mahad Leh,
Axmed Maxamed Silanyo
Madaxweynaha Jamhuuriyadda Somaliland

REPUBLIC OF



SOMALILAND

THE PRESIDENT

JSL/M/XERM/249-1567/022013

DATE....04/02/13

XEER MADAXWEYNE Lr:0293/022013

Beddel

Madaxweynaha Jamhuuriyadda Somaliland

- Markuu Arkay: Qodobka 90aad, ee Dastuurka Jamhuuriyadda Somaliland;
- Markuu Arkay: Qodobka 110aad ee Dastuurka Jamhuuriyadda Somaliland;
- Markuu Tixgeliyay: Ahmiyadda ay Gudoomiyeyaasha Gobolladu u leeyihiin dhismaha Qaranka;
- Markuu Garwaaqsaday: In baahi loo qabo in isku-beddel lagu sameeyo Gudoomiyeyaasha Gobollada Dalka si loo horumariyo hanaanka Dawladnimo;
- Markuu La Tashaday: Madaxda ay hawshani khusayso;
- Markuu Ku Arkay: In uu hanan karo xilkan loo magacaabay;

Wuxuu go'aansaday

In Mudane, Ibraahim X. Xasan Cali, laga bilaabo taariikhda maanta uu ahaado Gudoomiyaha Gobolka Hawd ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

Jamhuuriyadda Somaliland



THE PRESIDENT

JSL/M/XERM/249-1568/022013

DATE.... 04/02/13

XEER MADAXWEYNE Lr:0294/022013

Beddel

Madaxweynaha Jamhuuriyadda Somaliland

Markuu Arkay: Qodobka 90aad, ee Dastuurka
Jamhuuriyadda Somaliland;

Markuu Arkay: Qodobka 110aad ee Dastuurka
Jamhuuriyadda Somaliland;

Markuu Tixgeliyay: Ahmiyadda ay Gudoomiyeyaasha
Gobolladu u leeyihiin dhismaha
Qaranka;

Markuu Garwaaqsaday: In baahi loo qabo in isku-beddel lagu
sameeyo Gudoomiyeyaasha
Gobollada Dalka si loo horumariyo
hanaanka Dawladnimo;

Markuu La Tashaday: Madaxda ay hawshani khusayso;
Markuu Ku Arkay: In uu hanan karo xilkan loo
magacaabay;

Wuxuu go'aansaday

In Mudane, Cabdoo Axmed Aayer, laga bilaabo taariikhda maanta uu
ahaado Gudoomiyaha Gobolka Hawd ee Jamhuuriyadda Somaliland.

Allaa Mahad Leh,
Axmed Maxamed Silanyo
Madaxweynaha Jamhuuriyadda Somaliland



THE PRESIDENT

JSL/M/XERM/249-1569/022013

DATE.... 04/02/13

XEER MADAXWEYNE Lr:0295/022013

Magacaabid

Madaxweynaha Jamhuuriyadda Somaliland

Markuu Arkay: Qodobka 90aad, ee Dastuurka
Jamhuuriyadda Somaliland;

Markuu Arkay: Qodobka 110aad ee Dastuurka
Jamhuuriyadda Somaliland;

Markuu Tixgeliyay: Ahmiyadda ay Gudoomiyeyaasha
Gobolladu u leeyihiin dhismaha
Qaranka;

Markuu Aqoonsaday: In baahi loo qabo buuxinta jagadan;

Markuu La Tashaday: Madaxda ay hawshani khusayso;

Markuu Ku Arkay: In uu hanan karo xilkan loo
magacaabay;

Wuxuu go'aansaday

In Mudane, Maxamed Faarax Aden, laga bilaabo taariikhda maanta uu
ahaado Gudoomiyaha Gobolka Sool ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

**THE PRESIDENT**

JSL/M/XERM/249-1570/022013

DATE.... 04/02/13

XEER MADAXWEYNE Lr:0296/022013**Magacaabid****Madaxweynaha Jamhuuriyadda Somaliland**

Markuu Arkay: Qodobka 90aad, ee Dastuurka
Jamhuuriyadda Somaliland;

Markuu Arkay: Qodobka 110aad ee Dastuurka
Jamhuuriyadda Somaliland;

Markuu Tixgeliyay: Ahmiyadda ay Gudoomiyeyaasha
Gobolladu u leeyihiin dhismaha
Qaranka;

Markuu Aqoonsaday: In baahi loo qabo buuxinta jagadan;

Markuu La Tashaday: Madaxda ay hawshani khusayso;

Markuu Ku Arkay: In uu hanan karo xilkan loo
magacaabay;

Wuxuu go'aansaday

In Mudane, Cabdilaahi Faarax Maydhane, laga bilaabo taariikhda
maanta uu ahaado Gudoomiyaha Gobolka Seel ee Jamhuuriyadda
Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland



THE PRESIDENT

JSL/M/XERM/249-1571/022013

DATE.... 04/02/13

XEER MADAXWEYNE Lr:0297/022013

Magacaabid

Madaxweynaha Jamhuuriyadda Somaliland

- Markuu Arkay: Qodobka 90aad, ee Dastuurka Jamhuuriyadda Somaliland;
- Markuu Arkay: Qodobka 110aad ee Dastuurka Jamhuuriyadda Somaliland;
- Markuu Tixgeliyay: Ahmiyadda ay Gudoomiyeyaasha Gobolladu u leeyihiin dhismaha Qaranka;
- Markuu Aqoonsaday: In baahi loo qabo buuxinta jagadan;
- Markuu La Tashaday: Madaxda ay hawshani khusayso;
- Markuu Ku Arkay: In uu hanan karo xilkan loo magacaabay;

Wuxuu go'aansaday

In Mudane, Axmed Muxumed Geele, laga bilaabo taariikhda maanta uu ahaado Gudoomiyaha Gobolka Sanaag ee Jamhuuriyadda Somaliland.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland



THE PRESIDENT

JSL/M/XERM/249-1572/022013

DATE.... 04/02/13

XEER MADAXWEYNE Lr:0298/022013

Magacaabid

Madaxweynaha Jamhuuriyadda Somaliland

- Markuu Arkay: Qodobka 90aad, ee Dastuurka Jamhuuriyadda Somaliland;
- Markuu Tixgeliyay: Ahmiyadda weyn ee ay Wasaaraduhu u leeyihiin Dalka iyo Dhismaha Qaranka;
- Markuu Ka Fiirsaday: Kartidiisa, aqoontiisa iyo hufnaantiisa shaqo;
- Markuu ku Qancay: In uu hanan Karo xilkan loo magacaabay;

Wuxuu go'aansaday

In Mudane, Aden Diriyee Cigaal, laga bilaabo taariikhda maanta uu ahaado Wasiir ku-xigeenka Wasaaradda Ganacsiga ee Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland



THE PRESIDENT

JSL/M/XERM/249-1573/022013

DATE.... 04/02/13

XEER MADAXWEYNE Lr:0299/022013

Magacaabid

Madaxweynaha Jamhuuriyadda Somaliland

- Markuu Arkay: Qodobka 90aad, ee Dastuurka Jamhuuriyadda Somaliland;
- Markuu Tixgeliyay: Ahmiyadda weyn ee ay Wasaaraduhu u leeyihiin Dalka iyo Dhismaha Qaranka;
- Markuu Ka Fiirsaday: Kartidiisa, aqoontiisa iyo hufnaantiisa shaqo;
- Markuu ku Qancay: In uu hanan Karo xilkan loo magacaabay;

Wuxuu go'aansaday

In Mudane, Nuur Cismaan Guuleed, laga bilaabo taariikhda maanta uu ahaado Wasiir ku-xigeenka Wasaaradda Cadaaladda iyo Arrimaha Garsoorka ee Jamhuuriyadda Somaliland.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland



THE PRESIDENT

JSL/M/XERM/249-1574/022013

DATE....04/02/13

XEER MADAXWEYNE Lr:0300/022013

Magacaabid

Madaxweynaha Jamhuuriyadda Somaliland

Markuu Arkay: Qodobka 90aad, Faqradiisa 3aad ee Dastuurka Jamhuuriyadda Somaliland;

Markuu Tixgeliyay: Ahmiyadda ay Hay'adda Xidhiidhinta Raashinku u leeyahay Dhismaha Qaranka;

Markuu Arkay: In baahi loo qabo buuxinta jagada Mareeyaha Hay'adda Xidhiidhinta Raashinka ee WFP (Food Coordination Agency) ee JSL;

Markuu La Tashaday: Madaxda ay khusayso;
Markuu ku Qancay: In uu hanan, aqoon iyo Kartina u leeyahay jagadan xilkan loo magacaabay;

Wuxuu go'aansaday

In Mudane, Yuusuf Cismaan Garas, laga bilaabo taariikhda maanta uu ahaado Maareeyaha Hay'adda Xidhiidhinta Raashinka (FCA) ee JSL, waxanay Hay'addu hoos iman doonta Wasaaradda Dib-u-dejinta JSL.

Allaa Mahad Leh,
Axmed Maxamed Silanyo
Madaxweynaha Jamhuuriyadda Somaliland



THE PRESIDENT

JSL/M/XERM/249-1577/022013

DATE.... 04/02/13

XEER MADAXWEYNE Lr:0302/022013

Magacaabid

Madaxweynaha Jamhuuriyadda Somaliland

Markuu Arkay: Qodobka 90aad, Faqradiisa 3aad, xarafka (kh) ee Dastuurka Jamhuuriyadda Somaliland;

Markuu Tixgeliyay: Ahmiyadda ay Wakaaladda Horumarinta Wadooyinka (RDA) u leedahay Dhismaha iyo Horumarinta Qaranka;

Markuu Arkay: In baahi loo qabo buuxinta jagadan Maareeyaha Wakaaladda Horumarinta Wadooyinka;

Markuu Ka Fiirsaday: Kartidiisa, aqoontiisa iyo hufnaantiisa shaqo;

Markuu ku Qancay: In uu hanan Karo xilkan loo magacaabay;

Wuxuu go'aansaday

In Mudane, Xasan Cali Cismaan, laga bilaabo taariikhda maanta uu ahaado Maareeyaha Wakaaladda Horumarinta Wadooyinka (Road Development Authority) ee JSL.

Allaa Mahad Leh,
Axmed Maxamed Silanyo
Madaxweynaha Jamhuuriyadda Somaliland

**THE PRESIDENT**

JSL/M/XERM/249/1-1578/022013

DATE....04/02/13

Ku: Mudane, Axmed Xaddi Sidci
Gudoomiyihii Hore ee Gobolka Awdal Borame

Og: Wasiirka Wasaaradda Arrimaha Gudaha Hargeysa

Ujeedo: Xil ka-qaadis

Xilalka Qaranka ayey dabcigeed tahay in ay meerto noqoto oo kolba cid hanan karta loo dhiibo, wakhtigan xaadirka ahna waxa aan gartay in xilkii Gudoomiyaha Gobolka Awdal aan kaa qaado una magacaabo masuul cusub oo xilkaai guta.

Sidaa darted, waxaan ku farayaa in xilkaa aad ku wareejiiso Mudane, Cabdoo Axmed Aaayir oo aan u soo magacaabay in uu noqdo Gudoomiyaha Gobolka Awdal.

Waxaa Wasiirka Wasaaradda Arrimaha Gudaha oo ay warqadani ogaysiin ugu socoto la farayaa in uu labada masuul u kala wareejiyo xilka Gudoomiyaha Gobolka Awdal.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

**THE PRESIDENT****JSL/M/XERM/249/1-1579/022013****DATE...04/02/13**

Ku: Mudane, Maxamed Daahir Axmed
Mareeyihii Hore ee Hay'adda Xidhiidhinta Raashinka
(FCA) Hargeysa

Og: Wasiirka Wasaaradda Dib-u-dejinta Hargeysa

Ujeedo: Xil ka-qaadis

Xilalka Qaranka ayey dabcigeed tahay in ay meerto noqoto oo kolba cid hanan karta loo dhiibo, wakhtigan xaadirka ahna waxa aan gartay in xilkii Mareeyaha Hay'adda Xidhiidhinta Raashinka aan kaa qaado una magacaabo masuul cusub oo xilkaai guta.

Sidaa darted, waxaan ku farayaa in xilkaa aad ku wareejiiso Mudane, Yuusuf Cismaan Garas oo aan u soo magacaabay in uu noqdo Mareeyaha Hay'adda Xidhiidhinta Raashinka.

Waxaa Wasiirka Wasaaradda Dib-u-dejinta oo ay warqadani ogaysiin ugu socoto la farayaa in uu labada masuul u kala wareejiyo xilka Mareeyaha Hay'adda Xidhiidhinta Raashinka (FCA).

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland

QAYBTA AFRAAD:
AMARADA & GO'AANADA MAAMUL

JAMHUURIYADDA



SOMALILAND

Maxkamadda Rafcaanka Gobolka Maroodi jeex

MRH/DMRL/140/2012

04/02/2013

KU: - Radio Hargeisa

KU: - Wargeesyada Madaxa Banaan IYO kuwa Dawladdaba

Og: - Xafiiska Garyaqaanka Guud Ee Qaranka JSL

Ujeedo: - Baafin Racfaanle: - maxamed maxamuud cige

Maxkamada Racfaanka Gobolka Maroodi jeex waxay baafinaysaa racfaanlaha magaciisu sare ku xusan yahay inuu maxkamadda racfaanka horteeda ku yimaado muddo 30 cisho ah gudaheed ah oo ka bilaabmaysa maalinta idaacada iyo wargeesyada madaxa banaan iyo kuwa dawladdaba laga baahiyo.

Haddii uu ku iman waayana waxaa laga qaadi doonaa tallabo sharciga waafaqsan oo la xidhiidha arintiisa, iyadoo loo cuskaday Qoddobka 101 XHM.

Allaa Mahad Leh

Sh.Ismaaciil muxumed Ibraahim

Garsooraha Maxkamadda Racfaanka Gobolka maroodi jeex

=Hargaysa=

Cabdi Qani maxamed c/laahi

Kaaliyaha Maxkamadda racfaanka gobolka maroodi jeex



MAXKAMADDA DEGMADDA HARGEYSA

MGH/DML/187/13

Hargeysa.

Ku: Idaacada Radio Hargeysa

05/02/13

Ku: Dhamaan Warbaahinta Madax Banaan Ee dalka J.Sland

Uj: - Baafin dacwaysane.

(Ismaaciil Yusuuf Maxamuud)

Maxkamadda Degmada Hargeysa waxay baafinaysa Dacweysanaha Magaciisu sare ku xusan yahay in uu ku yimaado Maxkamada horteeda mudo dhan (30) cisho gudahood oo ka bilaabanta Maamilinta laga baahiyo war baahinta dalka kaasi oo ay u taalo maxkamada dacwad madaniya oo uu dhinac ka yahay, hadaba waxa dacweysanaha lagu amrayaa in uu maxkamada ku yimaado mudada loo qabtay haduu ku iman waayo dacweysanuhu waxa ay maxkamadu ka qaadi doonta talaaba sharciga waafaqsan oo la xidhiidha dacwadiisa

Maxkamadu waxay u cuskatay baafinta Qod.121, 108, X, H, M

ALLAA MAHAD LEH.

C/raxmaan Maxamed Mawliid

Guddomiyaha Maxkamada Degmadda Hargeysa

Kaaliye: Khadar Xasan Suldaan

**Maxkamadda Racfaanka Gobolka maroodi jeex**

MRH/RML/142/2012

Taar: - 06/02/2013

KU: -Taliyaha Booliska Saldhiga Dhexe Ee Hargaysa

KU: -Radio Hargaysa

KU: -Dhamaan Wargaysyada Madax Banaan iyo Kuwa Dawlada

OG: - Taliyaha Qaybta Galbeedka Hargaysa

OG: - Garyaqaanka Guud ee Qaranka JSL

OG: - Racfaanlay: -Foosiya Daahir Bootaan

Qareen: - C/xakiin Jaamac Caydiid

OG: - Racfaansane: - Ismaaciil Maxamed Warsame

Qareen: - Cumar Abiib Cumar

Ujeedo: - Amar xayiraad quri

Maxkamadda racfaanka gobolka maroodi jeex

Markay Aragtay: - galdacwadeedka racfaanka madaniga ah ee Lr MRH/RML/142/12 kana dhexeeye dhinacayada sare ku xusan

Markay aragtay: - in gurigan ay kataagan tahay dacwad la iskuna hayo ku tagrifalkiisa ayna hooban tahay mar haddi la iskuhayo in intaay dacwadu ka socoto labada

dhinaca midna kutagrifali Karin inta ay
dacwadu ka dhamanayso
maxkamadda racfaank

Markayaragtay: - qodobada 292, 293, 294 XHM, waxay
xayiraadsaartay guriga jihooyinkiisu
yihiin sidan hoos ku xusan

Galbeed.....Dhisme

Bari..... waddo uu kasoo
horjeeda fooqa ilma Cumar xaashi

Waqooyi.....Waddo uu kasoo horjeedo
oomar

Koonfur..... Maqsinka Qaadka

Sidaas darted waxa la amrayaa taliyaha saldhiga dhexe ee hargaysa
iyo taliyaha qaybta galbeedka hargaysa in gurigaas laga bilaabo manta
la iibin Karin lana rahmi Karin la kirayn Karin sifo kalena loo isticmaali
Karin ilaa amar dembe kasoo baxayo maxkamadda racfaanka gobolka
maroodi jeex, Hadaba waa in aad sida ugu dhakhsaha badan u soo
qufushaan furayaashana aad horkeentaan isla maxkamadda racfaanka

Allaa mahad leh

SH. Ismaaciil muxumed ibraahim

Garsooraha Maxkamadda Racfaanka Gobolka maroodi jeex

=Hargaysa=

Cabdi Qani maxamed c/Laahi

Kaaliyaha Maxkamadda Racfaanka Gobolka maroodi jeex



Maxkamadda Racfaanka Gobolka maroodi jeex

MGH/DFL/246/12

Hargeysa, 09/02/13

Ku: Xafiiska Garyaqaanka Guud ee Dawlada JSL Hargeysa

Ku: Radiyow Hargeysa Hargeysa

Ku: Wargeysyada Madaxa Banaan ee JSL Hargeysa

Ujeedo: Baafin Xukun.

Maxkamadda Gobolka Hargeysa iyadoo Habraacaysa Qodobada: 81, 311, X.H.M, waxay Baafinaysaa Xukunka Maxkamadda Rafcaanka ee Sumadiisu tahay MRH/D-MRL/61/06, ee 21/06/2012, kaas oo ka dhexeeyey Dhinacayada kala ah:

1. Rafcaanle: Xasan Cabdi Xaad. Iyo
2. Rafacaansaneyaal: Axmed Xuseen Ismaaciil
Caasha Axmed Ismaaciil

C/Raxmaan C/Laahi Xasan

Maxamuud Ismaaciil Faarax.

Dhulkaas oo ay u Xukuntay Rafcaanle: Xasan Cabdi Xaad, Dhul Cabir Dhan 48X36 MTR, oo ku yaal Degmada Ib/Kodbuur xaafada Jig-jiga Yar Qaybta (J)lehna fayl lanbar11231 jihooyinkiisuna kala yihiin : Galbeed==Dhisme, W/B/K==Waddo. Kana Xukuntay Rafcaansanyaal:

1. Axmed Xuseen Ismaaciil
2. Caasha Axmed Ismaaciil
3. C/Raxmaan C/Laahi Xasan
4. Maxamuud Ismaaciil Faarax.

Sidaaa darteed Baafintan waxay ka bilaabmaysaa maraca lagu faafiyo faafinta rasmiga ah ee Dawlada laguna qoro wargeysyada Madaxa Banaan iyo Radiyow Hargaysa.

ALLAA MAHAD LEH.

(Dr, Yuusuf Dalal Cabdi)

Garsooraha
Maxakmada Gobolka Hargeysa.

(Abokor Maxamed Axmed)

Kaaliyaha Maxakamada Gobolka Hargeysa